



Broj, 01-07-10-51-33/2024  
Sarajevo, 25.1.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", broj 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine, br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Adne Zilić, [REDACTED], od 16.1.2024. godine, predsjednik Visokog sudskog i tužilačkog vijeća Bosne i Hercegovine donosi

## RJEŠENJE

**Odobrava se** pristup ličnom finansijskom izvještaju za 2022. godinu vršiteljice dužnosti predsjednika Suda Bosne i Hercegovine [REDACTED].

## Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 16.1.2024. godine zaprimilo zahtjev Adne Zilić, [REDACTED] (u daljem tekstu: podnositeljica zahtjeva) za pristup imovinskom kartonu vršiteljice dužnosti predsjednice Suda Bosne i Hercegovine [REDACTED].

Razmatrajući predmetni zahtjev, utvrđeno je da imovinski kartoni nosilaca pravosudnih funkcija sadrže lične podatke koji su informacije koje, u skladu sa članom 19. stav (2) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i članom 5. Zakona o zaštiti ličnih podataka („Službeni glasnik Bosne i Hercegovine“, br. 49/06, 76/11 i 89/11), ne mogu biti dostavljene trećim osobama bez saglasnosti lica na koje se podaci odnose. Obzirom da je utvrđeno postojanje date pismene saglasnosti vršiteljice dužnosti predsjednika Suda Bosne i Hercegovine za dostavljanje ličnog imovinskog kartona, isti se u prilogu ovog dokumenta dostavlja podnositeljici zahtjeva., uz napomenu da su u njemu sakriveni podaci koji se odnose na jedinstveni matični broj građana (JMBG) kao i mjesto i adresa prebivališta vršiteljice dužnosti predsjednika Suda BiH.

Napominjemo da će, u skladu sa odredbama Zakona o izmjenama i dopunama Zakona o VSTV-u BiH („Službeni glasnik BiH“, broj 63/23; u daljem tekstu: Zakon), godišnji izvještaji o imovini i interesima nosilaca pravosudnih funkcija biti objavljeni na internetskoj stranici Vijeća, u cilju jačanja integriteta, transparentnosti i povjerenja javnosti u rad pravosuđa, te

radi sprečavanja sukoba interesa i drugih nedopuštenih uticaja u vršenju funkcije u pravosuđu. Navedeni Zakon je u primjeni od 23.12.2023. godine i isti će se primjenjivati na izvještaje o imovini i interesima sudija i tužilaca koji se budu dostavljali za 2023. godinu, a koji će biti objavljeni na web stranici Vijeća.

Postupajući po zahtjevu podnositeljice, a u skladu sa svim gore navedenim, odlučeno je kao u dispozitivu ovog rješenja.

### **Pouka o pravnom lijeku:**

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Odjelu za disciplinske postupke i etiku nosilaca pravosudnih funkcija
3. U spis

Prilog:

1. Lični finansijski izvještaj sudije [REDACTED] za 2022. godinu